



ZIMBABWE SCHOOL EXAMINATIONS COUNCIL

GRADE SEVEN EXAMINATION

**TONGA
PAPER 2**

707/2

SPECIMEN PAPER

Time: 1 hour 45 minutes

MALAYILILE KUBALEMBI BAMUSUNKO

Musunko ooyu weelede kulembwa mukati kahola lyomwe antompa-chaala (1 hour 45 minutes).

1. Bala malayilile **oonse** kabotukabotu.
2. **Utajuli** pepa eeli kotanaambilwa.
3. Belesya chilembyo **chasyaamuteme** (blue) naa **chisiya** (black) kukulemba nsandulo zyako.
4. Lemba zina lyako, mweelwe wabusena nkolembela musunko amweelwe wako noosunkwa mupepa lyansandulo.
5. Lemba nsandulo zyako mupepa lyansandulo. KuChipanzi **I** sandula mubuzyo **omwe luzutu**, kuChipanzi **II** sandula mibuzyo **yoonse**.
6. Lemba nsandulo zyako mumulaka wachiTonga uululeme.
7. Ulachenjezegwa kubelesya hola lyomwe (1 hour) kuChipanzi I antompa-chaala (45 minutes) kuChipanzi **II**.
8. Naa wabelesya mapepa aayinda limwi, aangilile antoomwe.
9. Naa **teewamvwisisya malayilile** aaya, buzya kumweendelezi wamusunko **kotana talika**.

Butebuzi bulipedwe kunembo lyamubuzyo uulikusandulwa.

Musunko ooyu ulimumapeji aatatu aalembledwe, alimwi litalembledwe.

Copyright: Zimbabwe School Examinations Council, Specimen Paper.

©ZIMSEC SPECIMEN PAPER

[Turn over

CHIPANZI I (20 marks)**1 Zyakulifulila**

Sandula mubuzyo omwe luzutu muchipanzi eechi

Balembi bachenjezegwa kuti babelesye hola lyomwe (1 hour) kabasandula mubuzyo.

Lwaano lwako lweelede kuba aabulamfu bulaamabala aazwa kumwaanda kuyoosika kumwaanda amakumi aabili (100 – 120 words). Naa wasala lugwalo, kkeyala, njuzyo amamanino tazibalwi pe mumweelwe wamabala. Alubo kuti wasala njoomo, mazina aabayooma taabalwi mubulamfu bwanjoomo.

- (a) Lemba njoomo iilaakati kabantu babili aatala abubotu abubi bwakulonga.
- (b) Pandula lugwasyo lwang'ombe mubuumi bwabantu.
- (c) Lemba lwaano aatala abubotu bwakubelesya gubi muli zyalwiiyo.
- (d) Lemba lwaano aatala antenda yamumugwagwa njwaakabona.
- (e) Lembela mweenzinyokwe lugwalo komwaambila aatala achilili chaachikolo chenu.

CHIPANZI II (10 marks)**2 Lwaano lwakumvwisisisya**

Balembi bachenjezegwa kuti babelesye ntompa-chaala yahola (45 minutes) kabasandula mibuzyo iili muchipanzi eechi.

Bala lwaano lutobela mpawo usandule mibuzyo yoonse kubelesya minchali iizwide.

Lwiili amunyanduumi wakwe Malidanembo mbana bakasyaala kabalelwa aawisilenzi Mulyachoompa. Nibakanonoboka, bakayanda kwiiya chikolo pesi Mulyachoompa takazibikkilide maanu pe eezyo. Lwiili wakabeleseghwa kukutuuka zyaamuunzi mpawo Malidanembo wakaba sikweembela.

Limwi zuba Malidanembo wakaambila wisilenzi kuti uyanda kwiiya chikolo. Wakalya mulilo masizi kabulula. Mulyachoompa naakamvwa eezyo. Malidanembo teezyakamujata kabotu pe, wakapola waakulembya kuchikolo. Zisamo, mabbuku azilembyo zyachikolo zyakati ndibona. Balaaluzyalo bakamukulubwida zisamo akumwaabila zibelesyo zyachikolo.

Wakazumanana mulwiiyo mane wazwidilila Naakamanisya kwiiya, Malidanembo wakaba musilisi wabanyama. Umane biyo mwaaka kabeleka, kwakavundumuka bulwazi bwang'ombe bwa denketi. Wakazyandamana Malidanembo kusilika zyababo bakali kumutamba.

Zyakafwa kazitobelana ng'ombe zyaMulyachoompa wakayumisizye moyo. Nizyakamusika kumatwi Malidanembo, wakaanga moyo wabilima amoota yakwe. Wakaakujana ng'ombe zili musanu ayimwi luzutu kuzwa mumwaanda amakumi musanu azitatu. Wakaziyasa nsunda akuzinywisya munsamu. Eezyo zyakali kugwalaya zyakapona. Wisilenzi wakamusiila iimwi minsamu yang'ombe. Zyakamujaya nsoni Mulyachoompa naakayeeya mbakamukomezya mujwa wakwe.

Mibuzyo

- (a) Ngwani wakali kukutuuka zyaamuunzi? [1]
- (b) Wakachitaanzi Mulyachoompa mujwa wakwe naakamubuzya kuti uyanda kwiiya? [1]
- (c) Ng'ombe zyakachiswa bulwazi bwa _____. [1]
- (d) _____ mbuyumuyumu bwakaswaanwa aaMalidanembo kuchikolo. [1]
- (e) Nkaamboonzi naakaba aabweeme Mulyachoompa? [1]
- (f) Fwiinsya lwaano oolu mumabala aali makumi aatatu amusanu (35 words) kopandulula zyakachitikana Malidanembo naakamanisya kwiiya chikolo. [5]

[Total 10 marks]

BLANK PAGE